

Aningaasaqarnermut Ataatsimiititaliap suliaq nr. 01.31.06/08-00334 pillugu sisamangornermi ulloq 22. maj 2008-mi aalajangiinera pillugu Naalakkersuisunut ilisimatitsineq.

(Naalakkersuisut ulloq 16. maj 2008-mi ataatsimiinneranni imm. 2c)

Avatangiisit pillugit suliassa qarfiup nukittorsarneqarnissaa

Naalakkersuisut **inassutigaat**,

- kontomi pingaarnermi 75.01.01-imi, Avatangiisinut Aqutsisoqarfimmi allaffissornermut tunngasumi, aningaasaliissutit 1,5 mio. koruuninik amerlineqassasut.
- kontomi pingaarnermi 70.01.04-mi, Sanaartornermi aqutsinermit suliniutinullu aningaasartuutitut tunngasumi, aningaasaliissutit 0,5 mio. koruuninik ikilineqassasut.
- kontomi pingaarnermi 72.02.03-mi, Boligstøtte pillugu aqutsinermit pilersaarusernermullu aningaasartuutitut tunngasumi, aningaasaliissutit 0,5 mio. koruuninik ikilineqassasut, aamma
- kontomi pingaarnermi 73.01.07-imi, Sanaartortitsisutut oqartussaassutsimut, angallannermi atortulersuutitut tunngasumi, aningaasaliissutit 0,5 mio. koruuninik ikilineqassasut.

Aningaasaqarnermut Ataatsimiititaliap oqaseqaatai

Avatangiisinut Aqutsisoqarfimmi atorfinnik allanik pingasunik pilersitsinissaq siunertaralugu aningaasanik nuussinissaq Naalakkersuisut suliama matumani qinnutigaat. Allaffissornikkut aningaasartuutitik taama qaffaanissami siunertarineqartoq paasissutissiissutigineqartut malillugit tassaavoq silap pissusaanut tunngasuni Avatangiisinut Aqutsisoqarfiup ingerlataanik pisariaqartumik nukittorsaanissaq. Siumut naatsorsuutiginnissinnaanginnissamik pingaaruteqartuunissamillu missingersuusernermut inatsimmi aalajangersakkanut aningaasaliissuteqarnissamik siunertaq namminermit naapertuuttutut isigineqarsinnaanersoq isumaliutigissallugu pissutissaqartoq Aningaasaqarnermut Ataatsimiititaliap aallarniutigalugu isumaqarpoq. Taamaalillunilu suliassa qarfimmik allaffissornikkut nalinginnaasumik nukittorsaaneq Aningaasaqarnermut Ataatsimiititaliamut qinnuteqarnissamik immi nalinginnaasumik tunngavissiisnaasorinangilaq, aningaasaliissuteqarnissamimmi qinnuteqaat taamaattoq ukiumi aggersumi aningaasanut inatsisissamut innersuunneqaannartarmat. Suliassa qarfimmili annertusaasoqanngippat Avatangiisinut Aqutsisoqarfiup maanna suliassani naammassisinnaangikkai qinnuteqaammik allassimavoq. Annertusaanerup nammineq killissarisat iluanni aningaasalersorneqarnissaa ataatsimiititaliamit pingaartinneqarmat qinnuteqaat taamaalilluni akuersissutigineqarsinnaavoq. Taamaattorli 1,5 mio. kr.-it qinnutigineqartut ataatsimiititaliamit maluginiarneqarpoq, taakkunannga 975.000 kr.-it atorfinnut pingasuusunut akissarsiarititatut immikkoortinneqarnissaat siunnersuutigineqarluni. Kontomut pingaarnermut 75.01.01-imut, Avatangiisinut Pinngortitamullu Pisortaqarfimmut tunngasumut, missingersuutitut ilanngussami tamatumunnga naapertuuttumik ukioq naallugu atorfinnut pingasunut atuinissaq nalunaarneqarsimavoq. Tamannali ataatsimiititaliamit eqqumiigalugu maluginiarneqarpoq. Atorfiit taaneqartut pingasut allagarsiunneqaqqaassappata aningaasaliissuteqarnissamillu qinnuteqaatip matuma akuersissutigineqarnerata kingorna aatsaat inuttalernerqarlutik 2008-mi ukioq naallugu atorfiit pingasut pineqaratik 1 ½-it pineqassapput. (Tassa atorfiit taakku pingasut 1. juli 2008-mi inuttalernerqassappata). Taamaalilluni 975.000 kr.-it akissarsianut atorneqarpata, tamanna sulisumut ataatsimut ukiumoortumik 650.000-it missaannik akissarsiaqartitsinissap naatsorsuutigineqarsinnaanera naligissavaa, tamannalu fuldmægtigitut atorfinnut nalinginnaasumut akissarsiarititanit annertunerujussuorinarluni. Namminersornerullutik Oqartussat qitiusumik allaffeqarfiat akissarsiatigit siuttuunnginnissaanik kissaateqarnermut ukiumoortumik taamatut akissarsiaqartitsinissaq naapertuussorinangilaq. Taamaattumik sulisunik nutaanik atorfinitsisisoqalersaanngitsoq, sulisooreertulli/akissarsiali 1. januar 2008-mit avatangiisinut tunngasunut nuunneqalersaarnerat ataatsimiititaliamit naatsorsuutigineqartariaqarluni. Tamanna isummernissamut tunngavissiami missingersuutinullu ilanngussani erseqqissumik allassimasariaqaralarpoq. Ataatsimiititaliap naatsorsuutigisaa kukkunerusoq paasinarsissagaluarpat Naalakkersuisut qinnuteqaammik nutaamik Aningaasaqarnermut Ataatsimiititaliamut kinguarsaanertaqanngitsumik nassitsisariaqarput, tamatumalu kingorna aningaasat pisariaqartinneqanngitsut ingerlatsinermit sillimatitut nuunneqarlutik. Missingersuutitut ilanngussat ilaanni sulisorisanut takussutissianik eqqortumik takutitsisuusunik aamma ilanngussisoqarsimangilaq, tak. missingersuusernermi malittarisassaq 2002-meersoq, kapitel 11. Missingersuutitut ilanngussat 2008-mi ilassutitut aningaasaliissutitut inatsimmi ilanngunneqannginneranni tamanna iluarsineqassasoq ataatsimiititaliap naatsorsuutigaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut
Ataatsimiititaliamit **akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua